



REPUBLIKA E KOSOVËS

KOMUNA DRENAS

ZYRA E KRYETARIT

Dt. 08.03.2018, Nr. 01-060-13583



Duke u bazuar në nenin 8.2 të Statutit të Komunës së Drenasit, tek procedurat për ndryshim dhe plotësim të Statutit të Komunës, Kryetari i Komunës, bënë:

Ftesë për konsultim publik

Komuna e Drenasit, përkatësisht Kryetari i Komunës së Drenasit ju bën ftesë qytetarëve, OJQ-ve, shoqërisë civile dhe profesionistëve që të marrin pjesë dhe të kontribojnë në përgatitjen sa më të mirë të propozimit për ndryshimin dhe plotësimin e Statutit të Komunës sa i përket Drejtorateve Komunale.

Takimi do të mbahet më 14.03.2018, ora 14:00, në Sallën e Kuvendit të Komunës.

Nga komisioni për ndryshim dhe plotësim të Statutit të Komunës sa i përket Drejtorateve komunale është vlerësuar se pasi është shqyrtuar dhe ka kaluar në Komitetin për Politikë dhe Financa, pastaj në shqyrtimin fillestar në mbledhjen e datës 01.03.2018 të Kuvendit të Komunës, më qëllim që qytetarët, OJQ-ve, shoqëria civile dhe profesionistët të kontribojnë drejtpërsëdrejti me këshilla, vërejtje në këtë ndryshim dhe plotësim të Statutit të Komunës, i ftojmë që të kontriboni në aspektin e krijimit të dy Drejtorateve të reja dhe modifikimin e detyrave dhe përgjegjësi të dy Drejtorateve ekzistuese.

Të gjithë të interesuarit për të kontribuar në këtë ndryshim dhe plotësim të Statutit të Komunës janë të lirë të kontribojnë.

Sqarim: Kësaj ftese i bashkangjitet propozimi për ndryshimin dhe plotësimin e Statutit të Komunës.

Ju mirëpresim!

Kryetar i Komunës
Ramiz Lladrovci





REPUBLIKA E KOSOVËS

KOMUNA DRENAS

ZYRA E KRYETARIT

Dt. 08.03.2018, Nr. 01-060-13583



Bazuar në nenin 58 të Ligjit për Vetëqeverisjen Lokale dhe nenin 8 të Statutit të Komunës, Komisioni për plotësim dhe ndryshim të Statutit të Komunës sa i përket Drejtorive komunale, në bazë të vendimit më nr. 300-7654, të datës 05.02.2018, më datën 16.02.2018, Kryetari i Komunës, i propozon Kuvendit të Komunës, këtë:

PROPOZIM PËR NDRYSHIMIN DHE PLOTËSIMIN E STATUTIT TË KOMUNËS

Neni 1

Duke u bazuar në nenin 8 të Statutit të Komunës, për ndryshim dhe plotësim të Statutit të Komunës, propozohet plotësim ndryshimi i këtij Statuti me dy Drejtorate të reja, si dhe riformulime në emërtim dhe modifikim të detyrave dhe përgjegjësi të dy Drejtorateve ekzistuese.

Neni 2

Të neni 76 i Statutit të Komunës, të Drejtoratet Komunale, nenparagrafit 76.1, shtohet pika k Drejtorati i Infrastruktura Lokale dhe pika l Drejtorati për Zhvillim Ekonomik.

Neni 3

DREJTORATI PËR INFRASTRUKTURË LOKALE

Ky Drejtorat:

1. Harton programin zhvillimor afatmesëm dhe afatgjatë të infrastrukturës në nivel të Komunës, në harmoni me zhvillimin urbanistik, me kërkesat dhe nevojat e qytetarëve në vendbanime urbane dhe vise rurale.
2. Përgatitë detyra projektuese, harton projekte të infrastrukturës dhe ndërtimit sipas kërkesave të administratorëve dhe bënë kategorizimin e objekteve të infrastrukturës urbane dhe rurale.
3. Përcjellë dhe studion rrjedhat e zhvillimit të infrastrukturës së Komunës dhe cakton kriteret e ndërtimit të infrastrukturës rrugore.

4. Lëshon leje të infrastrukturës rrugore, leje për gropim dhe hapje të kanaleve, të cilat i bëjnë ndërrmarrjet publike si dhe leje për kyqje individuale të qytetarëve në rrjetin e infrastrukturës.
5. Cakton organin mbikqyrës për mbikëqyerjen dhe komisionin për kontrollim teknik të objekteve të ndërtuara, në bashkëpunim me departamentin e prokurimit.
6. Është përgjegjës për menaxhimin (mbikëqyerjen) e ndërtimit, rindërtimit të infrastrukturës rrugore (kanalizimet fekale, atmosferike, kabllore, ujësjellës, asfaltimin, ndriçimin publik, sinjalizimin horizontal dhe vertikal) në qytet dhe vise rurale.
7. Kontrollon dhe mbikëqyrë cilësinë e materialit ndërtimorë, nëpërmjet laboratorit të licencuar për përputhshmëri me norma teknike të pranura në nivel ndërkombëtar.
8. Bashkëpunon me zyren e prokurimit, me qëllim të jetësimit të kontratave të nënshkruara për kryerjen e punimeve të infrastrukturës dhe ndërtimit.
9. Kryen edhe punë të tjera, në bazë të ligjeve të aplikueshme në kuadër të fushëveprimtarisë së Drejtorisë.

Neni 4

DREJTORATI PËR ZHVILLIM EKONOMIK

Ky Drejtorat:

1. Në bashkëveprim me Kryetarin e Komunës dhe Institucionet tjera Komunale, do të krijojmë një kornizë të përshtatshme për zhvillim të qëndrueshëm ekonomik dhe shoqëror,
2. Hartimin e strategjisë zhvillimore lokale në përputhje me strategjinë regjionale dhe atë qendrore, duke përfshirë të gjithë sektorët e ekonomisë, si në aspektin afatshkurtër edhe në atë afatgjatë.
3. Hartimin e politikave zhvillimore dhe marrjen e masave të përshtatshme për të nxitur më tutje zhvillimin e përgjithshëm ekonomik të Komunës.
4. Hartimin e planeve dhe nxitjen e investimeve të jashtme me qëllim të realizimit të projekteve komunale.
5. Hulumtimin e mundësive për të siguruar donacione dhe burime të tjera financiare.
6. Ofrimin e trajnimeve dhe dhënien e këshillave për bizneset lidhur me mundësitë për të investuar kapitalin e tyre në veprimtaritë prodhuese dhe ku janë mundësitë më të mira për të kthyer investimin e bërë dhe avancimi i bizneseve të tyre.
7. Ofrimin e shërbimeve për regjistrimin e bizneseve - Qendra e Regjistrimit të Bizneseve.
8. Bashkëpunimi dhe koordinimi i projekteve lidhur me Partneritetet Publiko Privat.
9. Bashkëpunimin me Ministrinë e Zhvillimit Ekonomik ,MIN, MTI, MZHR dhe resorëve tjerë të Qeverisë së Republikës së Kosovës rreth mundësive dhe koordinimit të aktiviteteve lidhur me realizimin e strategjisë së zhvillimit ekonomik lokal.
10. Në bashkëpunimin me Kryetarin e Komunës bashkëpunon me Institucionet Ndërkombëtare dhe organizatave të ndryshme financiare për projekte të ndryshme zhvillimore.

11. Organizimin e panairove për promovimin e produkteve dhe shërbimeve të bizneseve.
12. Komunikimin e vazhdueshëm me diasporën që të jenë të informuar lidhur me lehtësirat, planet zhvillimore, projektet dhe mundësitë praktike që ofron Komuna në raport me investitorët e mundshëm.
13. Promovimin e turizmit në aspektin ekonomik lokal dhe
14. Fuqizimin e bashkëpunimit dhe komunikimit me Diasporën (Mërgatën) dhe promovimin e bizneseve nga Diaspora dhe mundësitë e investimeve në Komunë për bizneset e Diasporës.

Neni 5

Neni 85 i Statutit të Komunës: Drejtorati për Bujqësi dhe Zhvillim ekonomik riformulohet më emërtimin: “Drejtorati për Bujqësi, Pylltari dhe Zhvillim Rural”, dhe modifikohen detyrat dhe përgjegjësitë e këtij Drejtorati.

Neni 6

DREJTORATI PËR BUJQËSI, PYLLTARI DHE ZHVILLIM RURAL

Ky Drejtorat:

1. Implementon politikat zhvillimore në sektoret e Bujqësisë.
2. Koordinon dhe mbikëqyrë asociacionet Bujqësore.
3. Përgatit planet për mbjelljet pranverore, vjeshtore dhe fushaten për korrije-shirje.
4. Organizon trajnime dhe këshillime për fermerët.
5. Jep pëlqim për rikultivimin e tokave Bujqësore.
6. Mban evidencen për tokat Bujqësore .
7. Bashkëpunim dhe përkrahjen e aktiviteteve rreth ujitjes në Kompaninë e “Iber Lepencit” .
8. Bënë mbrojtjen e resurseve natyrore duke përfshirë pyjet, reren (zhavorin) dhe aktivitetet tjera rreth gurëthyesve.
9. Koordinon punët dhe bashkëvepron me OJQ-të që përkrahin aktivitetet Bujqësore.
10. Bashkëpunon me agjencione qeveritare për zhvillimin e rajoneve rurale.
11. Planifikon zhvillimin dhe kujdesin permanent të shfrytëzimit të tokës Bujqësore për nevojat dhe intereset e Komunës.
12. Bashkëpunimi dhe koordinimi me Ministrinë e Bujqësisë, Pylltarisë dhe Zhvillimit Rural.
13. Mbrojtja e Pyjeve, Pyllëzimi dhe Ripyllëzimi.
14. Planifikimi i Zhvillimit Rural.
15. Hulumton resurset natyrore duke përfshirë edhe mbrojtjen e shtazëve dhe bimëve.

Neni 7

Neni 81 i Statutit të Komunës: Drejtorati për Urbanizëm dhe Mbrojtje të Mjedisit, modifikohen detyrat dhe përgjegjësitë e këtij Drejtorati.

Neni 8

DREJTORATI PËR URBANIZËM DHE MBROJTJE TE MJEDISIT

Ky Drejtorat:

1. Menaxhon me Planet Hapësinore të Komunës (Planin Zhvillimor Komunal, PZHK, Hartën Zonale të Komunës, HZK dhe Planet Rregulluese të Hollësishme),
2. Lëshon leje ndërtimore, sipas ligjeve dhe udhëzimeve administrative në fuqi,
3. Udhëheqë procesin e Legalizimit të objekteve (sipas ligjeve dhe udhëzimeve administrative në fuqi),
4. Harton kriteret për dhënien me qera të objekteve komunale dhe tokës ndërtimore të Komunës,
5. Harton programe, detyra projektuese me ndihmën e eksperteve të përzgjedhur për organizimin e konkurseve urbanistiko-arkitektonike,
6. Koordinon dhe menaxhon mbledhjen e informatave për GIS nga organizatat dhe drejtoratet tjera të Komunës,
7. Mban evidencën për emërtimet e vendbanimeve, rrugëve, shesheve si dhe numrat e objekteve dhe shtëpive brenda teritorit të Komunës (Sistemi Aris),
8. Kujdeset për ruajtjen e mjedisit,
9. Harton rregullore dhe plane të ndryshme për çështje mjedisore, zbatimi i legjislacionit dhe raportimi, marrja e të dhënave nga drejtoratet tjera që kanë të bëjnë me çështje mjedisore,
10. Merret me menaxhimin e objekteve banesore,
11. Kryen edhe punë të tjera, në përputhje me ligjet e aplikueshme në kuadër të fushë veprimtarisë së Drejtoratit.

A r s y e t i m

Komisioni për ndryshimin dhe plotësimin e statutit të komunës, bazuar në autorizimet që i janë dhënë me vendimin e Kryetarit të komunës, ka bërë punën e tij duke marrë në konsideratë legjislacionin në fuqi për të inkorporuar në statutin ekzistues, si dhe duke i inkorporuar në tekstin e ndryshuar dhe të plotësuar të statutit dy drejtorate shtesë, ka paraparë modifikime në emërtim dhe përgjegjësi të dy Drejtorateve ekzistuese.

Duke marrë në konsideratë vërejtjet eventuale apo sugjerimet për ndryshime dhe plotësime të këtij propozim-plotësim ndryshimi të Statutit të Komunës, propozojmë që këto ndryshime të dërgohen në shqyrtim fillestar në Kuvendin e Komunës pastaj të ipen në diskutim publik konform rregullatives ligjore në fuqi.

Drejtoria për Infrastrukturë Lokale

Në bazë të Statutit të Komunës së Drenasit Kapitulli II, neni 76 janë të përcaktuara Drejtoratet Komunale, në pikën (e) është e përcaktuar Drejtoria për Planifikim Urban dhe Mbrojtje të Mjedisit, ndërsa në nenin 81 janë të përshkruara përgjegjësitë e Drejtoratit.

Duke pasur parasysh vëllimin e punimeve që është në bazë të përshkrimit të detyrave të punës dhe numri i vogël i punëtorëve është vlerësuar e arsyeshme që të bëhet ndarja e sektorëve të drejtoratit ekzistues në dy drejtori të reja dhe atë në:

Drejtoria për Planifikim Urban dhe Mbrojtje të Mjedisit dhe
Drejtoria për Infrastrukturë Lokale Kjo ndarje bëhet me qëllim të ushtrimit të funksioneve të përcaktuara me dispozitat ligjore në fuqi.

Në kuadër të Drejtoratit për Planifikim Urban dhe Mbrojtje të Mjedisit do të ishte sektori i Planifikimit dhe sektori i Mjedisit. Ky drejtorat do të kishte përgjegjësi për çështjet e planifikimit hapësinor, hartimin, zbatimin dhe monitorimin e planeve hapësinore dhe urbanistike si dhe do të merret me çështjet e hartimit të planeve që lidhen me mjedis, zbatimin dhe monitorimin e tyre si dhe me legjislacionin në fuqi që ka të bëjë me këtë fushë si dhe çështjet banesore .

Drejtoria për Infrastrukturë Lokale do të ndahej në dy sektore, sektori i Infrastrukturës dhe sektori i Ndërtimit të projekteve kapitale sipas buxhetit të planifikuar.

Sektori i infrastrukturës do të merret me punët që lidhen me infrastrukturën (rrugë, kanalizim, ujësjellës, ndriçim publik etj.), ndërsa sektori i ndërtimit do të merret me ndërtimin e objekteve të ndryshme arsimore, shëndetësore, administrative, sportive etj.

Numri i projekteve kapitale që janë menaxhuar nga zyrtarët e DPUMM ka qenë 82 sipas listës së projekteve kapitale të miratuara në Kuvendin e Komunës për vitin 2017, gjithashtu disa prej tyre kanë pasur edhe aneks kontrata.

Në bashkëfinancim me Ministrinë e Infrastrukturës kanë qenë rreth 15 projekte kapitale.

Kemi pasur edhe objekte shëndetësore, objekte arsimore, objekte sportive dhe kulturore të cilat janë financuar nga buxheti i Komunës dhe donatorë tjerë.

Shumica prej këtyre projekteve të lartëpërmendura janë menaxhuar dhe mbikëqyrur nga zyrtarët e DPUMM dhe një pjesë nga zyrtarët e drejtorateve tjera brenda Komunës.

Ndarja e drejtoratit në dy drejtorate të reja do të ndikoj pozitivisht për arsye që zyrtarët përkatës do të kenë mundësinë që të punojnë ekskluzivisht me punët dhe detyrat që i përkasin sepse deri më tani sektori i planifikimit është marrë me punë të infrastrukturës dhe janë lënë anash punët në planifikim. Poashtu është e nevojshme që të rritet stafi i zyrtarëve brenda dy drejtorateve të reja në mënyrë që të kryhen punët sipas planifikimit.

Drejtoria për Zhvillim Ekonomik

Drejtoria e Zhvillimit Ekonomik ka si mision mbështetjen e procesit të hartimit dhe zbatimit të politikave të qeverisë lokale, për një zhvillim të integruar të sektorëve prioritarë të ekonomisë, përmes dhënies prioritet dhe rritjes së efektivitetit të investimeve publike, nxitjes së bashkëpunimit lokal dhe rajonal që ndikojnë në përmirësimin e jetës së qytetarëve si dhe rritjen e cilësisë së shërbimeve të ofruara në fushën e zhvillimit ekonomik lokal.

Gjithsej biznese të regjistruara në bazë të dhënave nga ARBK

Të regjistruara **3818**

Të shuara **543**

Biznese të regjistruara nga **1-5** punëtor janë **3693**

Biznese të regjistruara nga **5-60** punëtor janë **123**

Biznese të regjistruara nga **60** e më shumë punëtor janë **2**

Biznese të shuara nga **1-5** punëtor janë **532**

Biznese të shuara nga **5-60** punëtor janë **11**

Tabela e klasifikimit të bizneseve të regjistruara sipas numrit të punëtorëve

Klasifikimi sipas madhësisë	Numri i punëtorëve	Numri i bizneseve	Përqindja në total
Të vogla	1-5	3693	96.72
Të mesme	5 - 60	123	3.23
Të mëdha	60 - e më tepër	2	0.052
Gjithsej:		3818	100.00%

Tabela e klasifikimit të bizneseve të shuara sipas numrit të punëtorëve

Klasifikimi sipas madhësisë	Numri i punëtorëve	Numri i bizneseve	Përqindja në total
Të vogla	1-5	532	97.97
Të mesme	5 - 60	11	2.03
Të mëdha	60 - e më tepër	0	0
Gjithsej:		543	100.00%

Duke pasur parasysh vëllimin e punimeve që është në bazë të përshkrimit të detyrave të punës dhe numri i vogël i punëtorëve është vlerësuar e arsyeshme që të bëhet ndarja e sektorëve të drejtoratit ekzistues si Drejtori e Bujqësisë dhe e Zhvillimit Ekonomik në dy drejtori të ndara.

Në Drejtoratin e Zhvillimit Ekonomik funksionimi si një drejtori e ndarë do të ndikonte dhe do të jepte një rezultat mjaftë të dobishëm në realizimin e objektivave bazuar në kompetencat që i ka ky drejtorat në bazë të Ligjit për Vetqeverisje Lokale.

Në funksionimin e Parkut të Biznesit po ashtu në zgjerimin e parkut të biznesit që pritët të bëhet sipas investimit milionësh nga BERZH si dhe funksionimi i kompanisë Feronikeli dhe kompani të gurëthyesit, funksionimi i të cilave është shumë e nevojshme dhe që hyjnë në kuadër të zhvillimit ekonomik. Paraqesim propozimin për ndarjen e këtij drejtorati nga Drejtorati për Bujqësi për arsye se Drejtorati i zhvillimit ekonomik duke funksionuar në mënyrë të ndarë dhe duke i realizuar veçmas të gjitha objektivat e veta do i mundësonte Komunës së Drenasit një zhvillim ekonomik më të madh në të cilën rezultatet janë mjaftë pozitive duke krijuar hapësirë për vende të reja të punës dhe duke ndikuar në zbutje të papunësisë si rezultat i rritjes së zhvillimit ekonomik në vend. Po ashtu do të ketë ndikonte në rritjen e prodhimit, në shërbime më cilësore, rritje të punësimit, rritje të mirëqenies sociale dhe rritje të investimeve kapitale.

Neni 9

Ky propozim ndryshim dhe plotësim i Statutit të Komunës do të hyjë në fuqi pasi të procedohet, të miratohet nga Kuvendi i Komunës dhe MAPL.

Kryetar i Komunës
Ramiz Lladrovci

Drenas, 8 Mars 2018

